

中華民國八年春月排版定價每冊

胎產指南全

紹興醫藥學報社發行

國醫百胎產要提第五種

本書爲單南山原本越中錢升穎先生得之而成胎產名家寧波伊學曾先生又得之亦以治胎產名伊先生又將四五十年之經驗重加輯訂又爲蔡歐陳諸公得而始見刊於清咸豐初年版亡已久書鮮流行社友徐蓮塘君由友人馮君處轉得寄社書凡八卷自調經種子以至胎前產後常證異證無不法備方周且盡闢他書之偏弊都從實驗而立言洵爲胎產家之指南以白連史印裝兩厚冊定價洋六角聲明祇印一次購者從速幸勿交臂失之

國醫百家庭
第 六 種
重訂幼科金鑑評語

醫宗金鑑爲和平中正不偏不倚之書其幼科一門尤稱妥
善前清道光間雲間名醫費養莊先生以其尙有未盡精微
之遺憾不加討論何足濟人遂詳加評註惜輒轉傳抄頻見
預

豕亥咸豐間得雉皋名醫顧曉瀾先生重加編訂遂成完書
社友徐石生君得之不自秘而錄寄付刊凡讀金鑑者固應
急備以資印證書仍祇印一批售完決不再印不日出版及
定價若干當在紹興醫藥學報廣告上宣布特此先行預告

採刊國醫百家凡例

一本書專採未刊先輩遺稿及已刊亡版孤本之發明國醫學者次第排印以期流傳

一各地同志之將前項書稿寄贈或價讓者卽當隨時付印其先後無分軒輊

一同人本有醫藥叢書之刻(第二二集已經發行)所收亦係前項書稿
奈因寄件積多刻工迂緩故加是刊但叢書不限收國醫學

一本書所採各書准各省書肆翻印發行如願附印者亦祇收紙印本價
不取他利

一同人限於棉力刊行本書每種僅以初印售完爲止

一每種定價均按印行時紙料工價核算比較或有差次購者諒之

一凡各省圖書館閱報社暨醫會會員同時并購兩部者加贈一部零購
概不折扣

一購書者將書價照定碼另加郵力一成一併用郵匯最爲安便不通郵
匯之處以郵票代銀亦可但須固封掛號直寄紹興醫藥學報社收當
奉書不悞

一各處圖書大報商鋪書局請到書時請明某求之

重刊胎產指南序

胎產一科古無專門內難傷寒及諸名家間有附論語焉不詳論其宗旨不外任督二脈及子宮等爲最注重診治與病情異乎男子至臟腑陰陽生剋制化六淫病情則證治畧同惟其胎前產後諸法自不容混蓋氣血動靜虛實判焉大抵以安胎飲生化湯二者出入加減神明變化存乎其人卒之臨時采用偏少獲效非方法之不善實因胎產垂危事多孔亟治之者胸無方針率爾操觚以儻事也苟能研究於平素何至貽誤於一旦此胎產學所以不可無專書也慈谿馮君少眉爲孟河費哲甫先生之高足學有淵源與余爲莫逆交馮君在慈數年凡親戚故舊之求診者治無不効而於婦科尤爲得手余羨其能常問津焉馮君不秘所藏乃出胎產指南一書以示余披閱既竟不覺撥雲見天恍然心得是書也證治周詳

議論透澈非尋常膚淺之書可同日而語誠爲胎產主治之指南矣但歷時久遠傳書不多若藏爲枕秘豈非湮沒不彰商請馮君願公同好質諸裘君吉生贊任發刊以廣流傳余知此書出不脛而走乃意中事馮裘二君造福於婦女其功豈淺鮮哉余不敏爲誌其緣起如此

中華民國七年四月慈谿徐蓮塘識於紫荆花館

新鑄胎產指南序

胎產一科存亡係乎呼吸利病關乎終身於醫道尤爲切要學醫者尤不可不講明而切究之也先世名醫如朱丹溪薛立齋諸公論之綦備然求其操乎至要簡而易從者則莫若胎產指南一書是書原序云出自單南山其人里居名字已不可考昔越郡錢升樞先生得此秘本而精於胎產之科名冠一郡乾隆癸巳吾鄉伊學曾先生在寧郡道署得此書於紹友婁君之手遂亦以胎產馳名於吾邑閱歷四五十年以其所經驗筆之於書示後人當神明於法之中不容偏執名曰女科醫案凡七卷然先生奉指南爲枕中秘未嘗輕以示人卽戚友亦不得而知也先生歿後其甥明經蔡益亭先生始得抄而傳之歐君孔章少受舉業於益亭悅是書手爲抄錄久欲梓行於世以廣厥傳猝卒未果今歲秋纂修宗譜事將告竣其

譜師爲天台陳君彩鐘知君欲爲是舉益慇懃之遂囑陳君付諸剞劂氏而以伊先生之醫案附焉昔唐裴晉公致仕家居嘗手抄集驗良方梓行於世宋范文正公亦然且其言曰不爲良相願爲良醫夫以二公福世壽民之事業何可勝道而乃曁曁焉垂意於醫誠以醫雖小道而其利濟於世者爲不淺也歐君雖不敢與二公頡頏上下而其梓行是書之意猶二公也予嘉其意爲述其緣起如此或曰凡星相醫卜之類苟有秘本不宜宣洩若梓而行之卽不靈驗是說也殆與兒童之見無異而適爲悞者之所藉口固大方家所竊鄙也烏足辯哉烏足辯哉時

咸豐六年菊月蔡圃周丹忱撰

胎產指南原序

單南山不知何許人也予總角時聞升崧錢先生胎產爲吾浙國手不知其秘傳得之於南山也其中胎前悉以丹溪安胎飲爲主產後悉以生化湯爲主隨症加減按病論治症既悉備論極詳明使讀者洞如觀火以之救危急起沉疴靡不應手取効如鼓應桴卽不知脈者對症檢方依法調治自有徑轍可循不致惘然坐霧實再世之青囊濟生之靈藥也予因多病博覽醫書汗牛充棟不可勝紀而胎產一科簡約明允無出其右是誠秘本也今將其中稍有缺略者更爲增補以便觀覽仍註增補不敢混眞其前後次序錯亂者更爲移改如產忌食物鄉俗十弊用藥十悞等條原本俱載本末八卷內今類入卷五禁忌藥物內以便查覽是本也先伯祖素園公於康熙丙寅年得於荆襄道署其素園公手錄原本大兄殿揚携

遊湖海存亡不得知矣予叙其巔末凡我子孫珍藏熟玩切不可視為尋
常等靈珠於魚目棄琳琅同砾石也其越裳氏來朝三年至周迷其歸路
周公作指南車賜之因以還國今讀此本而病症瞭然固無異於指南也
因以名書其聆之母忽原本撰名失載時在

咸豐丙辰五月哉生明天台鳴山陳彩鐘敬錄於四明象之西滬歐中憲

第

重刊胎產指南總目

卷首

徐序

蔡序

原序

醫學入門之法

女科總論

胎產脈候

調經章

崩漏章

種子章

胎產章

卷一

胎前辨論諸症

卷二

辨病胎小產弱症醫方

卷三

臨產須知

卷四

產後諸症

卷五

產後禁忌藥物

卷六

產後二十九症

卷七

產後論解三十二症醫方

卷末

增補產後十二症

產後大小便秘下身水腫狂語諸症醫方(即三陰症)

跋

醫學入門之法

初學醫者須先熟李士材醫宗必讀脈訣藥性之寒熱溫涼入何經絡必須熟記並看李時珍本草綱目細心體認脈象藥性無遺義矣傷寒必須看朱肱南陽活人書並成無已明理論註解傷寒論雜症兒科痘疹須看萬密齋全部萬無一失諸書不及也女科胎產秘本之外更無佳者醫方集解亦不可不看方知用藥之故其餘醫書汗牛充棟如內經靈樞素問東醫寶鑑王肯堂準繩不可不覽亦不可遍覽若景岳全書傷寒六書時醫若不奉爲模楷何以醫病但其中不無偏僻旁見之處故時醫多誤觀之須識其偏正正者師之偏者棄之若不別其是非不特用之有悞觀之亦無益也特識以爲初學蹊徑遵而循之熟而習之神而明之雖不能馳名六合亦可騰譽紹興爲白眉矣慎毋忽諸錢升穉識

胎產指南卷首

單南山原本

慈谿馮小眉搜藏

錢升崧流傳

紹興裘吉生校刊

女科總論

男女均稟天地之氣而生凡外感內傷之症未嘗不同但女則別有調經胎前產後之治所以別立一科也男子之血宜靜而不宜動如或動焉則吐血衄血瀉血之病生矣女子之血宜動而不宜靜如或靜焉則經閉血枯之病生矣總而言之調經專理氣補心脾爲主蓋血非氣不行心生血脾統血也胎前專以清熱補脾爲主蓋熱清而胎安脾健則不墮也產後專以大補氣血兼行滯爲主蓋產後氣血大虛且有淤滯雖有諸症皆以末治生化湯實爲聖方也知乎此則女科之大要得矣

胎產脈候